


967

Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo



n/r Predsjedavajućeg Skupštine Kantona Sarajevo

Uputiti: Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, KJKP „Park“ d.o.o. Sarajevo

Predmet: Inicijativa za obezbjeđenje sredstava za rekonstrukciju i uređenje Pionirske doline

Poštovani,

Na osnovu člana 213. Poslovnika Skupštine Kantona Sarajevo, podnosim zastupničku inicijativu kojom predlažem da **Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, u saradnji sa KJKP „Park“ d.o.o. Sarajevo, hitno obezbijedi finansijska sredstva za rekonstrukciju i uređenje Pionirske doline, posebno u dijelu u kojem se nalaze životinje.**

Pionirska dolina predstavlja jedno od značajnih javnih prostora Kantona Sarajevo koji ima višestruku ulogu – rekreativnu, edukativnu i turističku. Poseban značaj ovog prostora ogleda se u dijelu koji se odnosi na smještaj i brigu o životinjama, zbog čega je neophodno osigurati adekvatne uslove koji su u skladu sa standardima humanog postupanja prema životinjama.

Uzimajući u obzir stanje na terenu, evidentna je potreba za **rekonstrukcijom i uređenjem prostora u kojem borave životinje**, kako bi se osigurali primjereni i humani uslovi njihovog boravka, kao i unaprijedila sigurnost i kvalitet boravka posjetilaca. Također, potrebno je izvršiti **uređenje i sanaciju korita Koševskog potoka u dijelu koji prolazi kroz Pionirsku dolinu**, kako bi se unaprijedio izgled i funkcionalnost ovog prostora, te spriječile eventualne negativne posljedice po okoliš i infrastrukturu.

S tim u vezi predlažem da nadležne institucije:

1. Izvrše **detaljnu procjenu stanja infrastrukture u Pionirskoj dolini**, posebno u dijelu u kojem su smještene životinje.
2. **Obezbijede potrebna budžetska sredstva** za rekonstrukciju i uređenje prostora za boravak životinja u cilju osiguranja humanih i adekvatnih uslova.
3. Pokrenu **projekat uređenja i sanacije Koševskog potoka** u dijelu koji prolazi kroz Pionirsku dolinu.
4. Izrade **plan fazne rekonstrukcije i modernizacije Pionirske doline**, kako bi ovaj prostor bio adekvatno ureden i prilagođen potrebama građana, posjetilaca i zaštite životinja.

Cijeneći značaj očuvanja javnih prostora, zaštite životinja i unapređenja kvaliteta komunalne infrastrukture u Kantonu Sarajevo, smatram da je potrebno da nadležne institucije hitno pristupe rješavanju navedenih pitanja i o poduzetim aktivnostima informišu Skupštinu Kantona Sarajevo.

S poštovanjem,

Sebija Izetbegović

Zastupnica u Skupštini Kantona Sarajevo

